



Ingebjørg imponerte også denne helga

Den utruleg allsidige idrettsjenta Ingebjørg Haugland (15) frå Uskedalen gjorde furore under Norway Cup. med ein rein kanonade av mål. Og ho gjentek stadig sine imponerende prestasjonar - og forbetrar dei..

Det skjedde også under Kvinnheradmeisterskapet i friidrett på Husnes i helga - for jenter og gutar mellom 10 og 19 år. Det vart 6 førsteplassar denne gongen og her er den imponerende lista. Ingebjørg var åleine i klassen sin:

- Lengde 4,30 pers
- Høgde 1,36 pers
- 100 meter 14,5 pers
- 800 meter 2,44 ikkje pers

- Kule 7.17 veit ikkje om det var pers
- Diskos 19.30, ikkje pers

Så allsidig er Ingebjørg at ho ikkje i farten hugsar alle dei personlege rekordane sine. Ho vart til dømesi stuss då uskedalen.no i dag spurde om bestenoteringa hennar i kule. Men ho kasta i alle fall 7,17 i mesterskapet. 100-meteren meinte ho at ho hadde gjort unna på 15,1 og kom med denne kommentaren:

- Ein kan ikke gå rundt og hugse alle persane heller!

Men ho hugsar at ho hadde forbetra rekorden sin i lengde til 4,30 denne dagen og at ho under vanskelege og våte tilhøve dagen før hadde kasta diskosen 19,30 utan at det var rekord..

- Kanskje du bør satsa på 7-kamp framover?

- Eg veit ikkje, det er nok ingen andre som driv med det her i Sunnhordland, Eg blir vel ålene i tevlinga.

Uskedalen var bra representert under meisterskapet men leiinga hadde eit høgst berettiga spørsmål: Kor blir det av gutane?

Trio sitt arrangement var perfekt når ein tek regnet med i reknestykket. Laurdagens program innskrenka seg til diskos på grunn av vertilhøva.

Tekst og foto: Ola Matti Mathisen



7 uskedelinger var med i KM på Husnes. Her står frå vinstre Ingebjørg Haugland, Synneva Myklebust, Ingvill Myklebust, Kathrine Saghaug, Solveig Haugland, Veslemøy Haugland og Johannes Haugland.